

## II Küniglicher May. Neme

aber so es die gelegenheit nit gäbe/öffentlich vnd augenscheinlich vor dem Thor oder Thür niederlegen/ vnd mit ainem Stein beschwären/ vnd alsdann soll Er derselben seiner aufrichtung/ wie vnd wasmassen Er die Pötschafft verricht habe/ vnd was jme darob begegnet/ den Pottenmaister (inmassen hieoben vnder dem articl vom Pottenmaister ampt begriffen) mit guetem grundt berichten/ damit er dasselb wie es hierinnen geordnet ist/ in ain vnuer- tunkelte ordenliche Execution bringen/ vnd den Partheyen auff derselben begern vnd notdurfft eruolgen lassen müge. Dorauff auch alsofft ain solliche Execution dem Gericht fürthompt/ nit weniger alsoß die vberantwortung vnder augen beschehen wäre Solle procediert vnd gehandelt werden.

**W** Ir wollen auch den Potten hiemit alles Ernsts/ vnd son- derlich eingepunden haben/ das sy sich bey den jhenigen/ zü denen sy mit Gerichtlichen Brieffen/ beuelhen/ vnd pötschafften geschickt werden/ in vberantwortung vnd aufrichtung derselben/ bescheidenlich vnd gebürlich halten. Daentgegen soll auch me- niglich die Potten/ gleichesfals der gebürnach halten/ vnd mit nichte beschwären.

**U**nd sollen diese geschworne Gerichtspöten/ thain ander- alsß dis vnnsers Erthertzogthums Osterreich vnder der Enns/ Zaichen oder Schilt anhenckhen noch tragen.

## Von Procuratorn vnd Fürsprechern.

**D**ie Procuratores vnd Fürsprecher/ sollen von Gerichte des Lanndrechtens angenommen vnd zuegelassen wer- den/ vnd

# Gerichts Ordnung. XIII

den vñnd sollen Erbar/ Verständig/ Züchtig/ Geleert/ auch jr jeder Graduiert/ das ist Doctores der Rechten oder Magistri sein / auff das sy den Partheyen / mit gueten außfürlichen vñnd Bewegunden vsachen/ in jren handlungen/ ob sy dieselben mit Recht führen oder vnderlassen sollen/ auß rechtmässigem grundt/ vñd verständiglich Raten mögen/ damit die Partheyen/ durch der Procuratorn vnuerständend vñnd der Rechten vnwissenheit vñnd darauf entspringenden vnerechtigten Geitz/ in vnbesüegte Rechtsfürerungen/ vergebenn vnkosten/ nachtail vñnd schaden nit gelait/ vñd sampt dem auch das Gericht mit vnordenlichem/ vngeschickten/ vñnd vngegründtent fürbringen/ vnnotdurfftiger weise/ vergeßenlich/ vñnd one frucht nit behölligt vñnd beschwärt werde.

**E**s soll auch ain jeder Procurator / so vor diesem Gericht zu procurieren vorhabens/ dem Gericht seiner Ehunst vñnd erbarheit glaubwürdige Ehundschaft / von ainer Vniuersitet oder sonst glaubhafften personen fürbringen. Es wäre dann/ das er dem Gericht sonst dermassen bekant / So mag er fürzaigung söllicher Ehundschaft erlassen werden.

**W**and so nun ain Procurator dergestalt zuegelassen vñnd angenommen ist. Soll jme der Ayd wie hernachsteet von Gericht offennlich fürgehalten werden. Daraus er sich seines Ampts/ Ehuen vñd lassens/ wie vñnd wof er sich vor Gericht/ vñd gegen den Partheyen halten solle/ züerlernen haben wierdet.

## Ayd der Gerichts Procuro- ratorn bey dem Lannds Rechten.

**I**k werdet des Allerdurchleüchtigisten Großmächtigisten Fürsten vñnd herzn/ herzn Ferdinanden Römischen auch  
E zu Hunz